

# OMUKWE TU



40c

No. 2

ISBN 0-620-06828-0

## OMAKOTO GE MU MANGITHA



Ehokololo tala kep. 12

## INO DHIMBWA

**Cassinga: 4 Mai 1978 sigo 4 Mai 1988**

omimvo

**10**

**435: 29.9.1978 sigo 29.9.1988**

omimvo

**10**



Omusholondondo gwedhiko lyomagongalo omape miitayingeleki itatu yomoshitopolwa shOwambo, mu ELCIN, petameko lyomwedhi nguka, ogwa li gwa thiminike aatonateli yiitayi mbyoka yi ikwatele ko, pethimbo ndyoka omumbisofi e li natango mefudho lyomombete, palombwelo lyomundohotola, nomukwathi gwe, M.Amadhila e li mefudho lyokomumvo.

MOndonga omwa dhikwa egongalo limwe, Onkumbula, mUuninginino gatatu; Othithiya, Ruacana nEengoma nomUukwanyama gatatu; Okambebe, Eenghango nOnangolo.

## Aatonateli osho yi ikwatele ko




Omutonatelishitayingeleki Josaphat Shanghala pamwe naakwathi ye medhiko lyegongalo lyaRuacana

## Onkumbula ya ningi egongalo notayi ka mona edhina epe

Elukululo lyomadhina omape gomagongalo mOngeleki yaELCIN, olya tameke, ngashingeyi egongalo etiyali, Onkumbula, tali ka indila mbala Elelelongeleki li koleke edhina epe lyegongalo ndyoka li ningi OMUKUMO, pafatululo lyomusita gwegongalo ndyoka, Vaino Nepembe.

Pehulilo lyomumvogu, Elelongeleki olya adhikwa lya koleke edhina epe lyegongalo lyaKalongo, li ningi Onandjaba. Sigo oompaka



Omusitagongalo Vaino Nepembe

omagongalo oga luku omagongalo gago panwethomo lyomadhina gomikunda, gomadhinya nenge gomiti. Onawa ethimbo sho tali pi okuluka omagongalo omadhina taga opalele.

Payuelele mboka Omukwetu a pewa komusita Nepembe, egongalo ndyoka Onkumbula a ningi omusita gwalyo, olya longekidhwa okuza 5.9.1982 noye kwa li a pewa oshimpwiyu shoka komutonateli ethimbo ndiyaka Festus Ashipala.

Egongalo oli na iilyo ya za unene omagongalo taga landula; Kongo, Omundaungilo, Epembe nOkankolo. Nepembe okwa hokolola uupyakadhi wa kala melongekidho lyegongalo ndyoka, ngaashi iita mbyoka yi inyenge moongamba dhegongalo nothina yokugandja compapila dhomatambu gaakwanegongalo naboka ya tungila mOnkumbula.

Ngele oombapila dhomatambu dha tameke ihe ckugandjwa komagongalo galwe, omusita okwa ti, elunduluko ewanawa moshinima shoka olya tameka, ashike ota tala manga nkene tashi ka tsikila.

Esiku lyotango lyomwedhi Januari nuumvo, olya li enene kiilyo yegongalo ndika. Ongulohi yesiku lyahugunina lyomumvo (31. 87), okwa li taku uvika oondigolo oonene nenyanyu, sho ku uvika omidhumo dhiiyenditho tadhi eta oshihomo mOnkumbula.

Omatemba oNissan noToyota, haga hili akuhe, oga li ga humbata omutonatelishitayingeleki omusita Petrus Shipena naakwathi ye; omusita Titus Ngula, omusita Matias Nghipandulua nomusita Festus Ashipala.

Mokuthika kwawo oya taambwa nawa lela. Ongula sho kwa shi, (1.1.1988) oya tameke iilonga yedhiko lyegongalo nelangeko lyomusita Nokonima yelongelokalunga, oshituthi osha tsikile niipopiwa yaayenda ya tsu egongalo omukumo noku li tula miilonga. Aantu ye vule 985 okwa tiwa oya kala moshituthi shoka.

Pehulilo omusita nomulangekwa megongalo epe, Nepembe okwa gandja olupandu lwe kaayakuli nokuhiya aanashilonga ayehe niilyo ayihe yegongalo, kutya ngele ku na ngoka a kanitha omukumo, ne ye megongalo ndika a taambulule omukumo.

## Enongelo lovayakuliongalo

MEngela omu na ofikola oyo hai ifanwa Enongelo lovayakuliongalo, omo hamu hangwa eengudu dovanhu vahapu, ovo tava yakula mOngeleki yetu aishe nomomaumbo yo. Ohamu kala eengudu edi:

- ovafita
- ovaevangeliste
- ovadiakoni
- ovatekulumbo
- eembolo, ovapofi
- ongudu yovayambididwa oyo ya fimana mEnongelo alishe.

MEnongelo otu na mo omukulunhufikola wetu oo e lipyakidila noku tu lifa. Ota file oshisho enongelo alishe, nge mokulonga eetundi ile keshe osho tashi pumbiwa, oye Tate Filippus Shikomba. Oha endebele okutala penya naapenya, omunambili efimbo alishe. Ongudu oyo nda tumbula ya fimana mEngelo alishe, omu na eengudu di lili nodi lili ngaashi:

- a) Ovo tava ende vo tava popi
- b) Vamwe otave likoko ashike
- c) Vamwe otava nangala ashike efimbo alishe nosho ve li monghalamwenyo yavo.

Shiimba ope na ngaa omalipulo oo to lipula kutya; Ava otava kongo nee shike mofikola? ve he na eendunge? Elalakano letu oleli okufudifapo ngaa ovatekuli ile ndi tye ovadali vounona va tya ngaha.

Ohava longwa eetundi okudja Omaandaxa fiyo Etitano. Omu na ovo tava tumbula sha ngaashi okwiimba. Omahokololo maxupi ngaashi Efeni ounona ve uye kuame, inamu va kelela ko. Ame ondjila noshili nomwenyo. Omutima wOmbibeli Osho Kalunga a kala e hole ounyuni, mokuyandja Omona waye ewifa, opo keshe ou te mu itavele a ha kane,ndelene a mone omwenyo waalushe. Joh.3:16.

Otava longwa yo oipango, okufaneka osho yo oilonga yomake ngaashi okutunga, okukamba nosho tuu. Otava hafele ovaenda unene notave va hokololele ouhokololo. Ongudu yaavo tava nangala nge we uya po, ova hala ve ku popife, ndele ewi kali po, otava yolo ashike. Vamwe ove litula mo shili nokulonga oilonga yomake.

Ope na ovayakuli ovo ve litula mo shili tava longo omutenya noufiku, ve he na edimbuko. Omwene ota ka futa ovayakuli ava. Omalalakano ovayambididwa oo aa; vamwe ova hala oufitaongalo, oupangi, oudiakoni ouhongifikola ngaashi naanaa ounona ovanandunge tava lalakanene.

Owa enda ko tuu kEnongelo? Ila u tale, u litalele ko ove mwene eshito lOmwene nge la tya. Ola fewa, aishe oku i wete ya wapala.

**Omuwiliki wavo Rauna Mbangula**

## Fiyo onaini?

Da dja kep. 6

Fiyo onaini to tu ondubo nehalo loshiwana shoye? Fiyo onaini ito tambula ko ehala loshiwana shoye? Fiyo onaini ino hala okulongela kumwe nava-mwanyoko? Fiyo onaini to kala monghalo omo u li mo? Fiyo onaini?

Fiyo onaini Ovanambia tava kala moupongekwa? Fiyo onaini ovakondjelimanguluko tava kala kondje yoshilongo? Fiyo onaini tava ifanwa eenhauki? Onaini tava alukile kedu looina? Onaini?

Fiyo onaini ootave tava haulwa? Fiyo onaini oomeme tava hepekelwa oshili yavo? Fiyo onaini ovana tave lidipaa? Fiyo onaini ohonde yOvanambia tai tika? Fiyo onaini?

M.Sh.Shingo



Omukulunhu wofikola yoiingudu mEngela, meme Rauna Shinana

# MuAfrika, otwa hala Afrika Iya tya ngiini?

**Omalunduluko gopapolotika muAfrika, oga pendutha wo moyendji epulo ehala lyOngeleki momalunduluko ngoka mpoka tayi thikama. Canon Adeyimika Olumide, omusita gwOngeleki yaAnglikan muLagos, Nigeria, okwa yamukula epulo ndika nomeho gopauprofeti. Omatumbulo ge gamwe otaga landula.**

Okutala konima hoka twa zi, nokukonakona neitulomo ongashingeyi, mbika otayi tu kwatha tu tale nawa onakuyiwa. Inatu mangwa konakuziwa, tse inatu tyololokithwa kongashingeyi, ihe tu taaleleni onakuyiwa nomukumo oshoka Ongeleki egumbo lyooitaali, moka Ombepo Ondjapuki ta longo.

Okudhiginina uukriste mevi IyaAfrika, oshinima oshikulu shopethimbo Iyaayapostoli nOngeleki yaEgipiti oyo ya li onkwatelikomeho momapulo omadhigu gopauteologi gopethelemumvo etine netitano.

Onkambadhala yaAaputu nAaspania okudhika uukriste muAfrika pomathelemumvo 15 na 16, oya li ya yiwa moshipala kepindiko Iyaapika, komaihumbato omawinayi gaanangeshefa nokokahalu kokupangela iilongo yaAfrika.

Etameko Iyethelemumvo 19, oyo Iya li etameko Iyepapudhuko Iyevaangeli muEuropa nomuAmerika ndyoka Iya fala mokudhika omahanganotumo. Omahanganotumo ngoka ogo ga vala onkambadhala ompe yokutaandelitha uukriste muAfrika.

Pethimbo ndyoka Ongeleki oya longitha ompito okudhika oosikola, ooKolidji, manga aanenentu yomapangelo yi ihukata ashike.

Omimvo 50 dha zi ko, iilongo yaAfrika oya kala tayi manguluka papolotika nekondjo ndyoka osho tali tsikile nonena. Uukoloni uukulu owa pinginwa kuukoloni uupe (Neo-c lonialism).

Afrika otali kakanya nokulonda nomukalo omupe gu vule ngoka Iya longitha pethelemumvo 19. Itali kakanya ashike momahupilo gopaunshitwe, ihe nomomadhiladhilo, palutu nopambepo wo.

Mekakanyo lyetu, itatu pomponoka ko ashike paekonomi, ihe otwa ninga wo aasita aahcheli yomakwatho gopaimaliwa naali yoongunga. Etegameno ndyoka twa li tu na konima yomimvo 30 dha piti, sho twa mono emanguluko oya pinginwa kuululu notu li ngashingeyi twaa na we etegelelo lyasha.



Ongeleki yopakathimbo yegongalo IyaRuacana

Onkugo yetu okupula emanguluko, oya pinginwa konkugo yokupula esimaneko lyuuntu nuuthemba wopantu. Ehistoli lyetu okuza sho twa mono eipangelo muAfrika, otali etitha oluhodhi. Okuumbathana kiipundi, omapangelo gopaati yimwe neshundulo lyuuntu womuntu.

Ooveta nomalandulathano gokuyalula oshigwana odha pinginwa nomathiminiko gopafupa, gondumbo, gokahalu, guuntsa, gongeyo nongyalo, iinimambyoka uuyuni ihaau yi tala nando kutya oyo oondjo.

Omonkalo ndjoka Ongeleki yaKristus muAfrika, oya koko noonkondo, noongeleka dhAavalelwa mo otadhi monika konyala mepandaanda lyoshilando kehe nomookolonela. Nopehulilo Iyethelemumvo ndika, muAfrika otamu ka kala aakriste oyendji shi vule palwe. Omumvo 1988 oshigongi shaambisofi ayehe yaAnglikan muuyuni nge tashi ka ninga muLambeth, aambisofi yokuAfrika oyo taa ka kala oyendji ye vule yiilongo ya putuka.

Eindjipalo Iyaakriste moshigwana muAfrika oli shi okutalika ko ongendhindhiliko lyoshili lyondjala yopambepo ndjoka oyendji taye yi longitha momalalakano galwe.

Gumwe okwa nyolele ta ti: Omalimbililo otaga dhipaga aantu yomathele, ihe okukalamwenyo kwootaali aainkelwa otaku dhipaga aantu yomayovi (taa hilwa kevaangeli). Mboka tu li natango mOngeleki otatu ipula kutya omolwashike aantu taa zi mOngeleki taa yi kiimpaga.

Oku na omatompelo ogendji, gamwe omawanawa nagamwe gaa shi omawanawa. Etopelo limwe oli li mokukalamwenyo kwaamboka ya thigala mOngeleki, aasita nosho wo aakwanegongalo.

Ondjodhi, etegameno negalikano Iyomukriste kehe muAfrika, oli shi okukala ndika: "Oshilongo shoye nashi ye, ehala Iyoye nali gwanithwe kombanda yevi ngaashi hali gwanithwa megulu." Omaitaalo galwe oge shi

okufatululwa kutya Omadhiladhilo ashike gaantu," haukriste nando.

Tse yene otse twa dopa okukala paukriste, haukriste wa dopa okukala natse. Oyendji muEuropa ngiika itaye shi zimine nuupu, kutya oohedhi dhopakriste odho dhe ya kwatha monkalathano yawo, muupolotika nomomahupilo, Ombepo ondjapuki sho ya longo mOngeleki omimvo dhomathele.

Otashi vulika eitaalo lyetu Iyopakriste tu li humbate ngaashi ohema yokomambo, ndjoka tatu zala ngele tatu yi kOsoondaha noku yi hula mo uule woshiwike ashike ngele twa galuka. Ehiyo enene mokati ketu oyo ndika, nkene tu na okweeta uukriste mokati ketu, u kale wo uuyafrika.

Omutumwa gumwe gwonale Omuyeuropa, okwa nyolele ta ti: oshidhigu momadhiladhilo gOmuyafrika ngoka inaaga longwa sha, oku uva ko Kalunga." Ota nyola ngeyi a fa ta dhiladhila kutya Kalunga oshinima shomadhiladhilo gowala. Aakriste Aayeuropa nayo ngashingeyi oye shi mona mo, kutya ootatekulu inaa kala taa galikana iiti nomamanya mokwaa shi sha.

Otwa pumbwa aateologi Aayafrika oyendji ya konakone pokati kuuteologi wopakriste (Christian theology) nuuteologi weitaalo Iyopamuthigululwakalo gwaAfrika (African Traditional Religion).

Lyo ando ekonakono ndyoka Iyeyelekanitho Iyomaitaalo, tali vulu wo okutala neitaalo Iyaaislami (uumuhamendi), ndyoka li li oshimpaga muAfrika. Okwaatseyathana momaitaalo oko kwe eta omatopoko nomapumathano pokati kuuIslami nuukriste.

Ondu uvu aakriste oyendji taa popile ondjokana yaakiintu oyendji, molwaashoka aniwa oya kala nomEstamendi ekulu. Ngele omolwEstamendi ekulu, naashoka sha popiwa kuJesus kombinga yetEstamendi Ekulu oshoshili wo sho a ti:

One omu uvu kwa tiwa mEstamendi ekulu, ihe ngame otii mu lombwele. Andola tu taleni naanaa nawa shono tashi eta uupyakadhi monkalathano yaAfrika pethimbo ndika, shimwe shomuupyakadhi mboka otatu ka mona kutya oondjokana dhaakiintu oyendji, moka aakulukadhi kehe gumwe ta kambadhala okwoopalela omusamane gwe notashi vala olutandu oluwinayi muunona.

Afrika oli na natango oshilalo momadhimbulukwo galyo gelunduluko Iyeulumo monkalathano yopapolotika noyomahupilo, moka eitaalo Iyopamuthigululwakalo kaali na we oonkondo mokumangela kumwe oshitolwa kehe shonkalamwenyo yesiku kehe.

Aaprofeti oya kala ye na sha okutya kaawiliki yoshigwana, muupolotika, muuyuuki nopamahupilo. Tse natu zimine ashike edopo lyetu okunwetha mo nokuwilika iinima yaantu muupolotika. Osha zi unene mpoka sho kape na oonkundathana dha gwana nomapaathano gomaye. Kalunga okwe tu shiti tu kwatathane naye, opo tu kwatathane wo nooyakwetu, opo pu tungwe uukumwe mboka tau ka ninga evi epe negulu epe.

## MEwaneno va dipaa oukwamunghoko va longele Kalunga



### Ongeleka ei ya yapulilwa oilonga yayo mEwaneno

Moule weedula heyali eshi eongalo la dikwa, eongalo ola ifana omumbishofi wOngeleki a yapule Ongeleka yavo yoi-peleki, ekuma loshamende noipundi yoshinanena ya twa ko, tai wanene ovanhu 900.

Metungo longeleki ei ya fikama momakuvu ane, omu na oshinyanga shomufita, shahamushanga woshinyanga nomala natango avali oipungulwa.

Pokupwa kwetungo, Mtuleni okwa ile kelihongo kuAmerika. Eyapulo ola ka ningwa komupashukili woshitai shaUkwanyama Apollos Kaulinge, palombwelo lomumbishofi 10.1.1988.

Omaongalo aELCIN, opokati keengaba doitungulwa, oyo vanwe ve i luka oilongo, luhapu okwa hepekwa komhepo youkwamunghoko, nokokatogotongo nosha ngoneka nai eitavelo lao, oukumwé wavo noilonga yavo



### Oikulukuma yokakilinika mEwaneno, oko ka hanaunwa po noitopifa 1987

Etungo lokakilinika, eli va tungile po yo, ruupya munene paife otali monika moingunaukile, eshi la hanaunwa po komutondi woshiwana 1987.

Oshivilo sheyapulo lOngeleka, konyala osha tokelwa eedula nhatu okuningwa, eshi eongalo mOlupandu lalo kwa li la hala omufindi wOngeleka nomuwiliki wetungo olo, omufita Julius Mtuleni, naye a kale po yo musho.

yopamhepo i chene komesho.

MEwaneno otave ku lombwele ashike kutya: Fye otwe uya mEwaneno loyayapuki, twa ifanwa komufita omukulunhu weedi, twa fiya ko ominghoko detu nomalaka, tu ninge oshiwana shimwe.

Ewaneno ola tungila pokati keongalo Onandjaba (Okalongo) mOukwanyama neongalo

Onawa moshitaingeleki shaUninginino. Okudja 1.1.1981 eshi la dikwa, ola kula neendelelo. Pexulilo lomudo 198, ola shashifa ovakulunhu aveke 196 nosha undula omuvalu wovakwaneongalo u londe fiyo 3539, ovo muvo mu na 1337 va pamekwa.

Pefimbo letungo kape na ou kwa li a mwena, ita ningi sha, okudja kovakulupe fiyo okounona. Keshe umwe okwa li e na oshitungifo peke,



### Meme Viktoria Kandjaba ou a yandjele ehapu loilonga yongeleka yavo

pahepu lameme Viktoria Kandjaba. Eshi etungo la ka pwa, ola fiya le va kufa R40 000, eenghono, omayeke noshinhwi.

Omupashukili Kaulinge okwa dimbulukifa eongalo nokutya omesho nomutima waKalunga otai kala metungo linya noukalipo waKalunga oo tau yapula etungo alishe li yooloke komatungo makwao.



“Ouyapuki ou kau na eshi tashi u xulifa po, nomomafimbo omambonyauno, ongulu oyo otai kala iyapuki; osho Kalulinge a popya mepopifo laye koshivilo.”

Mtuleni ou kwa li omuudifi fiku olo, okwa ti onawa eongalo eshi la longifa omaliko alo okukongela ovana valo vopamhepo onhele yokuwoongalela, ndele ta ti yo: ashike otwa dika epangelo pokati ketu, osheshi kape na vali oo te ke lippila noule wondjila yokelongelokalunga.


Oshivilo osha li sha popifwa yo kovaenda vakwao nokovaneumbo ovo va shiiva nawa onhele oyo.

Sebulon Ekandjo

**Ehepu leyapulo momafano**



**Tatekulu Lukas Mungolo, omutoti wonhele omo mu na eongalo**



**Tatekulu Lukas Dama, ota ngongosheke eongalo li diinine eitavelo**

**Omweevangeliste S. Shaluda, ou a yakula eongalo fimbo inali mona omufita**

# OMINA YA SIMANA MUNAMIBIA NANDO YA TSEYIKA KASHONA KOWALA KAANAMIBIA



Omina ndjoka oyi li molupe lwoshilambo, shoka ngashingeyi shi na konyala uule woometeli 200 okuya mevi. Pamupopihapu gwomomina ndjoka, oshilambo otashi vulu okuya natango muule sigo oometeli 400.

Aanamibia aashona lela ye na ontseyo kombinga yoshifumvulwavi, Uran, shono tashi longwa ngashingeyi kaalumentu ye vule kashona 2000 momina yaRossinga popepi naSwakopmund.


Oshikwamina shaurana musho ohamu zi shono tashi inyengitha omakuthikuthi goradio notashi vulu okupambuka muutopolwa owindji pankondo dhaAtom.

Emanya lya urana ngele lya monika, oli na oonkatu odhindji manga inaali ninga uran ndjoka ya pumbiwa. Emanya nenge omamanya moka mu na urana, otaga tsuwa koshini, e taga ningi omuti ngoka tagu ithanwa uranium Oxide, gu li molupe lwoshunga sheyi.

Omuti nguka otagu ende komashina tagu lundulukile momuti tagu ithanwa Fuel Cicle (UF). Ponkatu ndjika oyu li ihe molupe lwoshipilili, shaa na olwaala.

Konima oshipilili shoka otashi lundululwa molupe lwomuku (gas) Omuku nguka otagu ka longwa ihe moofabulika oonene, okulundululilwa moonkatu dhi ili nodhi ili, ngaashi omulongithi a hala.

Namibia olyo evi etitano muAfrika tali longwa oshikwamina shika urana sha simana methimbo lyetu. Iilongo iikwawo oyo; Gabon, S.Afrika, Niger naCentral Africa, Republic. MuEuropa omu na Australia, Rusia, Canada naAmerica.



Ehauto lyoludhi nduka, otali humbata konyala 150 metrik ton. Omatayela galyo oge vule kokule omuthika gwomuntu, onkene ohaga kuthwa ko nohaga tulwa ko koshihauto oshikwawo showina, tala kolulyo lwethano. Otali kosho omiliyona yimwe.

Pauelele waakonakoni, omina yaNamibia oyo ontintano muunene kundhoka dhomuuyuni. Omumvo 1980 oya zile iihohela oomiliyona R96,6. Omanyolo otaga holola kutya sigo 1983, omina ndjika inayi futa nande otakisa kiihohela yiilikolomwa yayo ngaashi tashi ningwa komahangano galwe moshilongo.

Iilonga yomina ndjika oya tamekele 1979 medhina **Rossing Uranium Ltd.**, ndjoka tayi longwa kehangano lyaEngilanda, Rio Tinto Zinc (RTZ). Oku na wo omahangano omakwawo taga longo pamwe nalyo ngaashi lyaRio Algom Ltd. muCanada noopelesenda 10%. lyaTotal muFranisa 10% lya S.A 13,2%.

Iilonga yomina ndjoka oya tameka pondje yooveta dhuuyuni ngaashi oveta yOraata yaNamibia kligwanahangano, Decree No.1, ndjoka yi indika omahangano muuyuni gaa pindike iipindi naNamibia, pondje yeziminino lyOraata ndjoka. Paveta yuuyuni Oraata ndjoka oyo omuleli gwaNamibia.

Molwashono oshikwamina shourana otashi longo unene nomalusheno, omina ndjika oyi na okondalaka nehangano lyomalusheno muEngilanda, muFulanisa, Ndowishilanda lyuuninginino, Japan naTaiwana. Okondaraka yaFulanisa otayi kala sigo 1990, dhomavi galwe inadhi tseyika.

Aatiligane oya nyola oshindji kehistoli lyomina ndjoka nkene ya monika, ashike shono sha simana osho shoka sha holoka membo lya Dr. Leake Hangala. Ye ehistoli okwe li tameke kokule pethimbo lyiita yotango yuuyuni.

Pahokololo lye omukulukadhi gumwe Omuludhe momudhingoloko moka, oya kala haa nyanyukilwa okutala emanya lyontumba. Esiku limwe omukulukadhi nguka emanya ndyoka okwe li ulukile omutiligane, ondjayi yiita

## Tala kepannja tali landula

### Fiyo onaini?

Fiyo onaini Namibia ta kala e li moupika?  
Fiyo onaini oshilongo tashi lili omhumhahodi?  
Fiyo onaini ovanhu tava kala moukwatwa?  
Fiyo onaini oshiwana tashi dipawa molwemanguluko lasho?  
Fiyo onaini?

Fiyo onaini omaumbo taa xwika?  
Fiyo onaini eengeleka tadi bomwa po?  
Fiyo onaini eefikola tadi hanaunwa po?  
Fiyo onaini?

Fiyo onaini ovanhu tava pulwa oumutwe medu lavo?  
Fiyo onaini ovanhu itava ende oufikwi?  
Fiyo onaini tava hadwa meendjila?  
Fiyo onaini tave tu kolonyeke?  
Fiyo onaini?

Fiyo onaini tava anye eekamba di dje popepi neefikola?  
Fiyo onaini tava anye South Africa a fiye po Namibia?  
Fiyo onaini tave likutu moukakunya?  
Fiyo onaini tava kengelele oshiwana?  
Fiyo onaini?

Fiyo onaini to kengelele Omulaule mukweni?  
Fiyo onaini to hepekifa Omulaule mukweni?  
Fiyo onaini to lopota Omulaule mukweni?  
Fiyo onaini to dipaa Omulaule mukweni?  
Fiyo onaini?

Fiyo onaini tu na eefikola inadi wana?  
Fiyo onaini eliko loshilongo tali lande oilwifo?  
Fiyo onaini hatu kala momhumbwe yoipangelo?  
Fiyo onaini oimaliwa yoshilongo tai lande eemhumbwe dovakwaita?  
Fiyo onaini?

## Etameko leongalo Ewaneno

**Ehokololo leongalo Ewaneno moshitai shaUkwanyama, ola hepaululwa komufitaongalo Filippus Shikomba, kutya ola dja moshilongatumo shovakwaneongalo laEenhana, moushilo woukwanyama.**

Pahepu eli la pwilikinwa moshivilo sheyapulo longeleka ipe yeongalo Ewaneno, ovashamane Paavo Hamutenya naSimon Namunyekwa, mEenhana, ova yandjele oimaliwa mombelewa yoshitaingeleki osho, i longe oshilonga shetumo meni loshitai.

Omuhepaululi ou a li omupashukili woshitai pefimbo linya, Shikomba, okwa yandja oshisho komufita Lukas Dama mOnandjaba (Okalongo) a konge onhele yetumo. Omushamane Lukas Mungolo, okwa tamekifwa oshilonga sheendjovo daKalunga momukunda Onembaba pakwafo loimaliwa oyo.

Omudo 1987 ofikola yeshasho oya tamekwa kumeme Monika Mungolo neti 9.8.1987 omo va shashwa, omufita Shikomba a ti:

Omufita Lukas Dama, ou pefimbo eli ta li omungome wetulumuko, okwa popya moshivilo sheyapulo longeleka mEwaneno nonghumwe inene, kutya ehi a tumwa kOngeleki e uye a longe mOkalongo, okwa hanga mo ashike ovakriste 3330 ovo 180 vomuvo va pamakwa. Osha li pomido 1950 noixupe. MOkalongo omo mwa dja paife Ewaneno nOmutundungu.

### Dha za kep. 6

yAandowishi, nguka nokwa tsu owala onyala mevi a yolele momwenyo.

Omumvo 1955-58 opwa ningwa omakonakono kehangano lyoomina lya SA, momudhingoloko ngoka, ihe kapwa li unene ohokwe ya kwata miiti, oshoka nourana muuyuni auhe ethimbo ndiyaka kaya li ya simana manga. Omumvo 1960 ekonakono olya tsikile ishewe sigo 1979, iilonga sho ya tameke.

Aalumentu Aanamibia taa longo momina ndjoka, otaa monika ya fa ya silwa nawa oshimpwiyu. Olukanda nokomboni, otayi monika muuyogoki shi vule omahala ogendji muNamibia pethimbo ndika. Iikulya oya fa iihwepo noyi na ombiliha okuyeleda nomahala galwe.

Ihe mboka ya tseya onkalo yomina yourana muuyuni, itaa popile omutungilo nonkalo yomina ndjoka. Ontsi yomamanya gaurana, oshiponga shi vule ngiika shegwo lyomina, oshoka shika otashi longo mokwaamonika.


Uupyakadhi mboka wa tsakanekwa moonima dhourana muuyuni uuvu wokanker mboka hau ka holoka muule woomvula ntano sigo 20 tadhi ka landula. Onkene iikulya nomeya mehala ndyoka oyi na okukwatwa nuukeka yaa mone ontsi yoshikwamina shoka.

Ehangano lya SWAPO olya ninga amatamaneke ogendji komina ndjoka okutula Aaludhe megameno. Epulo enene olya penduka kutya kape nando Omutiligane ta lala molukanda lwomina ndjoka, ayehe otaa lala kokule kuSwakopmund konyala ookilometa 60.

Pefimbo olo mOnembaba, omu mu na Ewaneno paife, omu na ashike omukriste umwe ile vavali. "Amushe ovo omwa dja peni?" osho omukulupe a pula nehafo linene moshipala. Okwa ulika keenghono devaengeli edi da teya oilongo.

Okwa kumaida omufita mEwaneno Abraham Malwa a longe nouidinini nokupandula ovafita va tetekela, J.Mtulen, Ferdinand Nashidengo, nomuyevangeliste Silas Shalanda ou a yakula tete eongalo fimbo inali mona omufita.

### Sebulon Ekandjo



**Oshivilo sheyapulo longeleka mOngeleki ei, oshivilo shi hafifa kovakwaneongalo**

Omina otayi longo mevigumbo lyaDamara, nEhangano lyaRossinga olya ninga omatameko okuputudha aanona yaaniilonga nenge aakulukadhi yawo. Uudhano wetanga owa fa tau hokiwa koyendji mwiya. Ihe oshindji osha tegelelwa natango shi ningilwe aakalimo mOmina ndjoka nomomudhingoloko.

Kape na natango oshipangelo, omukalo ngoka nagwo tagu pangulwa kuuyuni, kakele komakwatho gopakathimbo. Osho kombinga yiileshomwa mokati kaaniilonga, otayi monika ya pumba nenge yomadhiladhilo ga kulupa. Oshifo Omukwetu osho hashi monika mo kashona, naNamibian, ihe omwaalu omushona

lela okuyeleda naakalimo. Onkalamwenyo otayi monika ya fa yi li miitomo, nomuntu ku shiwo ngele osha ningilwa owina, nenge oshi iyeta sho shene.

Uupyakadhi woondjokana, momina ndjika nawo ongaashi pomahala ogendji giilonga moshilongo shika, moka aakiintu aakeenondjokana taa kalele aanandjokana. Omukalo ngoka otagu ningitha omagumbo ogendji gaaniilonga ga kale omasindjala nando taga longele ehangano tali yambapaleke uuyuni.

### Sebulon Ekandjo



**Omushamane Paulus Nanghaku, ha zi kOndobe, mUkwanyama, ota ti okwa longo momina ndjoka ngashingeyi oomvula 11. Methano ndika oku li nomusita gwaaniilonga muRossinga, Josef Kapewangolo.**

# NUJOMA TA POPI MUSOOMI OSHILONGA SHETUMO NOSHONGELEKI MUNAMIBIA

Etalelopo lyomupresidente gwaSWAPO, omusamane Sam Nujoma, muSoomi pehulilo lyomumvo gwa yi, olye mu fala metsakaneno noshifonkundana shedhina Kirkko yaKaupunki, shono she mu pula omapulo kombinga ye mwene, yaatumwa Aasoomi muNamibia noshOngeleki ayihe moka.



Omupresidente S. Nujoma

Omupresidente Nujoma ngoka a ti kutya omvatelele yomevi lyuukoloni nokwa sikola moosikola dhaatumwa, okwa ulika koshilonga shawo muNamibia, kutya osha kala unene okuvitha evaangeli, okupanga aavu nokudhika oosikola, aantu ya longwe. Naashoka oya li ye shi ningi neitulomo enene osho a ti.

Okwe shi tula omuthindo ye mwene sho a ti: "Mbeyaka inaa lalakanena nando okuninga aaleli yoshilongo, nokaye shi okuyelekwa naatiligane yokatongotongo, mboka taye tu kwata, taye tu dhenge notaye tu dhipaga muNamibia."

Omusamane gwomimvo 56 Nujoma, ngoka a popi koshifonkundana kutya iilonga okwe yi kongo manga e na oomvula 13 adhike, okwa ti wo eipulo nomahepeko goshigwana she olye mu adha muunona we.

Okwa ti okwa kala pomatoto gomahangano ngoka ga pendutha ombepo yemanguluko moshigwana, ngoka ga tetekele SWAPO, sigo opedhiko lyaSWAPO ye mwene. "MoSWAPO otwa tameke wo ekondjo lyomatati 1966 sho twa li twaa na we ompito yilwe," osho omusamane Nujoma a yelitha elalakano lyongundu ye.

Kepulo lyeitaalo lyopakriste nkene tali monika mongundu ye, omusamane Nujoma okwa ti mookamba ndhoka dha dhikwa momahala gi ili nogi ili, mokamba kehe omu na omuuvithi, moka omalongelokalunga taga ningwa nuunona tau shashwa.

Nongele muNamibia lya manguluka otamu ka kala eha lyOngeleki, okwe shi yamukula kutya SWAPO oku na eitaalo memanguluko lyelongelokalunga.

Oshifo osha li sha hala okuuva natango kombinga yaSWAPO nkene ta tala paupolotika

Ongeleki meni lyoshilongo, epulo ndyoka omupresidente e li yamukula kutya, Oongeleki muNamibia odha gama kombinga yaathimnikwa, okukondjela uuthemba womuntu.

Okwa gwedha ko a ti, omolwekondjo lyawo ngaaka, aanashilonga yayo otaa kwatwa, nagumwe gwawo (Frederik Nghihalwa) okwa si 1987 sha zi momadhengo gaakwiita.

Nujoma okwa tala Namibia kutya osho evi lyaakriste, sho a ti kutya aakalimo yayo oomiliyona yimwe netata (1.5) oopelesenda 80% dhawo aakriste yoongeleki dhi ili nodhi ili. Aakwanegangalo otaa udha momalongelokalunga nomagangalo omape otaga dhikwa, osho a hokolola.

MuSoomi omusamane Nujoma okwa li a tsakanene wo nomumbisofi omukuluntu gwOngeleki yaSoomi, John Vikström, osho wo naawiliki yoshikondo shomakwatho gopondje mOngeleki ndjoka.

S. Ekandjo

## Ombelewa yaafadhukipo muLuanda

Oshikondo sheyakulo lyuuyuni shomOngongahangano yAakwaLuther, muDesemba gwa zi ko oshe egulula ombelewa yasho lwotango mombala yaAngola muLuanda. Elalakano okukwatha oshigwana shaNamibia mwiya, aakulupe, aakiintu nuunona.

Omakwatho otaga ka gandjwa wo koshigwana shaAngola shono sha kanitha omitumba dhasho omolwiita niiponokela ya SA moshilongo shoka. Omusamane Sifas Zhou gwaZimbabwe oye a hokololwa a kalele po Ongongahangano mombelewa ndjoka.

Ombelewa oye egululwa ku dr Ishmael Noko, amushanga mombelewa yomakwatathano miinima yaAfrika kOngongahangano kuGeneva. Nuumvo dr Noko ota ka kala omuwiliki gwoshikondo sha simana shomakwatathano goongeleki mOngongahangano ndjoka.

Shito Aanamibia mu Angola oya kala taa taamba omakwatho taga zilile kOngongahangano yAakwaluther muuyuni, taga pitile moLusaka, shaZambia moka namo wo mu na ombelewa yehangano ndyoka.

Oshituthi osha li sha kalwa komitise ominene dhepangelo iyaAngola nokaayenda ya zile pondje yoshilongo. Eyakulo lyOngongahangano kAanamibia yomuupongekwa olya tameka komimvo 70, (1970) paindilo lyOngeleki ya ELCIN nEhangano lyaSWAPO.

(Lwi)



Onda tala komahepeko agehe taga ningwa kohi yetango. Onda mono omahodhi gaahepekwa nokaye na omutalaleki. Aahepeki yawo oya li aanankondo ihe aahepekwa kaya li ye na omutalaleki. Onkee nda tala aasi mboka ya sa nale, oyo aanelago ye vule aantu mboka ye na omwenyo ngashingeyi. Ihe omunelagolela e ya vule ayehe yaali, oye ngoka inaa valwa noina mona uukolokoshi mboka tau longwa muuyuni — Omuuv. 4:1-3.

## Ohatu diladileni tuu nawa vali hano?

Onda hala ndi popye sha koshiwana osho tashi keme unene kufye ava hatu vatele omutondi, fye omakakunya malaula Ovanamibia lela.

Kombinga yoilonga yetu yomunyonena otamu lili shili, ndele onye hamu i tu longifa, hamutondi kaya. Ohamu tu pula alushe tu fiye po oukakunya. Hano fye ohatu ka kala peni? Owa dimbwa hano nale kutya ovanhu vangapi wa dipaifa ku Swapo, ovo va li omakakunya, ndee tava efa oilonga oyo omolwoye ou to va ifana?

Ahowe, fye otwa tila okudjamo manga mu na omwenyo, shaashi otamu tu lopota kuSwapo tu dipawe. Ohatu mu manepo manga oku mu dipaa, opo tu dje mo nawa meembulu, opo pa ha kale vali ou te tu lopota koikulo ya Swapo. Shaashi nanye otamu tu manifa po unene.

Meme ile tate ile mumwameme ngaashi hamu ti, iha dulu nande okufya ponhele yange. Ngeenge onde ya po peumbo nda dja koukakunya, itai ningi po omafiku avali peumbo, onda fya nale. Iha i ko nee ile a popile nge ko kutya onda aluka nghi fi vali ekakunya? Ahowe, vati ondaadi ashike nandi fye.

Omukwetu No.9 wo 15 Kotoba 1987 otamu lili shili koilonga yetu ii, eshi wa dengwa nenghava to pulwa Swapo. Ove wa dimbwa nale kutya ovanhu vangapi wa fiya wa dipaifa kOvenduka, ovo va li omakakunya nale. Naavo va li hava lopota nale to va ti eepapeta.

Shaashi oove u va shii, to ulikile nee vakweni opo ovanhu va dipawe nomamanya nomipini. Hano oilonga ei yoo kai shi yomunyonena, ile oonakudipawa kave fi Ovanamibia novanhu vaKalunga?

Omukwashiwana, ove oho dimbulukwa Kalunga ngeenge wa lulumikwa ove to dimbwa oipango yaye, ngeenge to longo oilonga ya kaka. Hola omutondi woye, ningeni nawa ava tave mu hepeke. Kaume koye muKristus olye? Oyou ashike mboli iha longele kumwe neembulu?

Fye nafye otwa loloka oilonga yeni yomunyonena. Inamu tu fuka vali tu efe eembulu detu. Hano ove kwafa Swapo mu li mangulule, fye tu ka lile pamwe naave nge la manguluka. Pamwe ove ku shi shi hano.

Ove kala yo natango wa kotoka tu ha longele satana atushe naove. Hano ino tya inali uya, ove u ka ye moheli, omanga ino lidilulula wa fa nge vali. Emanguluko laNamibia meulu ihali popiwa, omanga ove iho kofa omolwalo.

Fye omakakunya otwe mu tonda, tweefeni ashike.

**Jonas Atti  
Angula Paavo  
naShikongo Iyambo.  
Oluno - Ondangwa**

### Kovamwameme omakakunya

Vamwameme shiiveni kutya nye omuvomeumbo twokalupale kamwe, muvakulu neendenge detu, omunhu namumwaina. Hano ofye ookola payeletumbulo.

Ohamu lipopile hamu ti "Ohatu kongo omboloto." Apa nashi mu yelege kutya otamu kongo omboloto, dele walye ngeenge ohamu i

## OVA SHANGELA NGE TAVA TI .....

mono. Nashi mu yelege yo kutya pamukalo ou, otamu kanifa ovanhu. Ashike omunhu oye e na okukongwa tete, hamboloto.

Ovatiyane (Boers) ove ya oku tu hongaiifa, opo tu dipaafane sho oshiwana shetu shi xupipale. Nye omwa itavela mu longifwe keembulu. Epuko linene okungabeka oshiwana shi ha kule, mwa fa mu he li moshilongo nopovanhu veni.

Paife ovamwanyoko ovo tamu teya eehamama noiti, oonyokokulu otamu va lyatele meendjuwo nomakasipeli. Eedolate domapya ooxo odo mwa ninga oihakanwa yeni.

Fiyo onena eshi hai nyola ngaha, inandi uda odalate yomutiyane mwe i lyata ile Ombulu ya dengwa shaashi mofaalama yayo mwa endwa. Eenghulupembulu otadi fi komikifi fiyo opaife.

Eembulu odi mu shii mwa pata, oindele i mu shi oulai. Tadi ti. "Nave lidipae fye hatu tumu." Nande mu li mumwe neembulu, doo inadi mu valula, ihamu ningilwa ngaashi omakakunya oo eembulu.

Eembulu onadi ka ye, shaashi doo okaimbi. Omwa teelela tu mu kwatele onghone? Nge kape na ovakwaita, kape na oita. Efeni oukakunya. Fyeni oshiwana, tu angaleni oukakunya.

### Gerhard

#### Kovamwameme Ovanamibia amushe

Ngeenge itatu lihumbateni nawa ile ngeenge itatu kondjo twe litula mo, edu letu ohatu ke li yandja po kovadjaadjai vokoilongo yauninginino. Eshi onde shi popya ngaha nelalakano eshi nda mona vahapu vomoshiwana shetu tave lipula kutya!

Hano ovanhu eshi tava lu, otava lwile vali shike, ile SWAPO eshi ta lu naSouth Africa, oshike tava lwile?

Elipulo lavo ola dja opo, shaashi vati koilongo yavo ohava furwa nawa, ohava nwine pamwe

oilumbu, ohava nu mokakopi kamwe nashilumbu. Ngeenge tava i momafudo, oimaliwa yonafudo ohava mono nawa ya wana. Peenhele apa kwa li ihapa iwa kovalaula, paife ohava i po.

Shilumbu ngee okwa hala a hombole nOmulaule ile Omulaule a hala va hombole noshilumbu, otashi longwa meendelelo. Paife otava lwile vali shike, va wana ngoo ne va mwene, loo emanguluko olo ngaho olo?

Ovanhu ovo ohatu mono va tumhakana sha momitwe davo, shaashi kave shi kutya oinima aishe oyo va popya olyelye e i etifa po. Oha mono ashike ta i kOwambo, ile ta di ko ndee ita pulwa nande opaasha oyo ya li ko nale, yee ina shiva kutya oya kufwapo koSwapo. Heeno oinima aishe ohave i ningi shili nopo i li, ashike natango inatu fika pondodo yemanguluko laNamibia.

Elalakano lo SWAPO nehalo loPlan okukufa ko epangelo la SA koshipundi, opo Namibia li manguluke, fye vene tu mone ondjipangela yetu vene.

Ngeenge oto lesa ngaho oNamibian, oto mono nawa kutya oshiwana otashi hepekwa, ovakwaita va SA kombinga yokoumbanganhu oixuna oifike peni. Otava dipaa, otava vake, otava hanauna oinima yovakwashiwana, nande ovakwashiwana vamwe ve wete ve li memanguluko ngaho.

Ngeenge owa tale moNamibian July 31th 1987, epandja 10, oto udu naanaa nawa nge Omupresidende woSWAPO, Sam Nujoma ta popi momutumba oo wa li moLusaka woilongo yaAfrika.

Hano fye inatu pumbwa nande eameno la South Africa moNamibia, notwa hala nokuli a kufemo ovakwaita vaye omu, nande pe na ovayambididivo tava yambidida SA. ngaashi ooGtrieb Danna Gabriel Kautwima koitukulwa oyo yokoumbanganhu novakwao vamwe.



Egongalo IyaRuacana, moshituthi shedhiko lyegongalo

## Mbeki a mangululwa, Mandela?

Otaku popiwa taku nongononwa muupolotika wa SA, kutya iilongo iinene yuuninginino pamwe naSowiet Union, otayi thiminike epangelo lya SA li ye moonkundathana naawiliki yehangano lya African National Congress (ANC).

Ethiminiko otaku tiwa olya za olule, nolya tegelelwa li pewe eyamukulo muule woomwedhi 10 tadhi landula, okuza Novomba 87. Pashifonkundana shomu SA, Die Afrikaner, omupresidente Botha okwa hatuka oohapu paayenda yaakwanepangelo lyaAmerika, omumvogu ta ti muApilili 1988, Mandela ota kala e li megumbo lye.

Manga shoka inaashi ningwa, oonkundathana dhi ili nodhi ili dhopaupolotiki, odhi na okuningwa tango. Lwaali nokuli taku tiwa, oministeli yuuyuuki Kobie Coetzee, oya kundathana nale nomusamane Nelson Mandela ngoka ta longele ondhologo yokukalamwenyo.

Pehulilo lyomumvo 1987, epangelo lya SA olya pititha mo mondholongo omusamane Govan Mbeki (77) gumwe gwomaawiliki yehangano lya ANC, nokwa li ta longele ondhologo yokukalamwenyo.

Koshigwana oshihepekwa sha SA, emanguluko lye olya li esiku itaali ka dhimbiwa. Omusamane Mbeki uukwashilyo we nehanganano lya ANC, owa zi 1935 nokwa yile kondholongo pamwe naMandela 1964.

### Omuwa a gamene

Onda hala okugandja epandulohambeleo. Kalunga okwa pendje ishewe ukolele sho nda li muudhigulela. Omuwa okwa gamene ndje mokati kaatondi naahindadhi yandje yokolutu noyopambepe woo.

Angombe Petrus  
Onguta


### Dha za kep. 9

Ekondjelomanguluko ohali ende ngaashi okaana taka kulu: Nge okaana opo ka dalwa, ndee konima yeemwedi donhumba ou wete okaana keni taka hovele okulikoka nokukwatelela koiti oyo i li popepi nako ino tya okaana koye oka kula ngaho. Oto teeleele naana ka hange ondodo yokuhombola, opo nee okaana koye to ti oka kula ngaho.

Nemanguluko ngee tali uya, ino tya pamwe otaku tiwa omongula ta ku mangulukiwa, ndele otapa kala eenghundafana opo okatokolifo 435, ka tulwe moilonga, nosho nee SA ha kala ta henauka eshi taku tiwa ehoololo laaveshe oli li popepi. Yee ota henauka, shaashi oku shi kutya ota kana mehoololo laaveshe.

Fyee inatu pumbwa nande eidililo meedolongo moshilongo shetu ngaashi sha li sha ningilwa ovakulunhu voSwapo omafiku a dja ko. Nande va mangululwa paife, natango SA ke shi uditile ombili oku na ehala, opo e va kwatulule vali voc ovo nee Niko Bessinger, Dan Tjongarero, Pastor Hendriek Witbooi, Anton Lubowski, John Pandeni na Asser Kapere.

Epangelo la SA osho tali longo ngaho oilonga yalo ya kaka meni laNamibia. Ame mwene osho yo ovakwetu vamwe, otwa kwatekwe eshi twa hangwa nomaufemba etu vene, eshi twa kwatwa



### ILA U ILANDELE

Ohatu landitha uukasete wi ili nowi ili womaimbilo gaakuluntu nogaanona. Ohatu thaneke wo uuthano wopaspoorta, noto u mono pethimbo ndyoka. Auhe 4 ohau kotha R7,00.

Endelela ano u ilandele mbika mombelewa ya

AUDIO & VISUAL  
mOniipa

paveta AG 8, eshi twa hangwa tu na eemhungulula detu vati otu di na shi he li paveta vati otwa tauluka oveta oyo AG 8.

Paife SA. ote tu kelele tweende tu na oilwifo yetu, koima ku na eebotsotso, inga naye obotsotso. Otu na okulwila omaufemba etu, fiyo SA ota di mo moNamibia. Hano natu longeleni kumwe opo tu finde omutondi a dje mo medu letu. Nge taku tiwa tu yeni koshiongi shoSwapo atusheni tu yeni opo hatu findaneni vamwameme.

Fye otu hole ombili, ohole oukumwe neudafano mOnamibia.

Andreas H.K. Shiimi Amagola  
Windhoek

### Sho tu li kombanda yomafuta

Otse aagundjuka yoshigwana shaNamibia, tu li kombanda yomafuta tatu kondjele oshigwana shetu notu na ehala nomukumo opo tu shi yambulepo. Tse huka okwa mono nkene aantu ya mangulula iilongo yawo notwa kutha ko oshiholelwa.

Tse otatu ilongo nuudhiginini notwa pumbwa nane wo mu tu watele wo, hamokwiilonga ashike ndele nomeuvathano. Natu pukululeni yakwetu

mboka ya puka noya pukithwa komutondi.

Otatu mu indile Aanamibia yakwetu mba mu li meni lyoshilongo mu yambule po evi lyetu. Tse otu na okuzako mbala kombanda yomafuta, ndele nomukolonyeki oku na oku li thiga po mbala. Tse huka katu li ko twa mwena, otu li ko twa pya ondjungu, notatu kwathele shili oshilongo shetu.

Ope na naanaa aagundjuka yamwe inaa hala okuya koosikola, otaya dhiladhila ngiini? Namibia ota yambulwa po kulye hano? Otu na oku li mangulula noku li tungapo atuheni yamwaameme, naakuluntu yetu amuhe. Tse mba tu li huka otatu mu indile mu kale mu na uulikumwe nombili newvathano mokati keni amuhe, sigo twa manguluka. Omuwa ne mu yambeke amuhe, ne inamu tu dhimbwa momagalikano geni.

Basilie Even-Today Niiwale  
naHerta N.Irenex Keendawala

OKULILA UUTHIGONA POMUGANDJILONGA GWETU OKWETU ZILE EYAMUKULO "KANDI NA KO NASHA".

Tse aaniilonga yEhafo ngaashi lya tseyika nawa mOvenduka moka hamu longo aaposi, iilema, oombolo nakehe tuu, ope na ihe aaniilonga omilongo mbali nayaali mboka haa kala momagumbo gehangano ndika. Aaniilonga 10 aaposi naaniilonga 12 iilema. Aaniilonga omilongo omugoyi niihupe ohatu zi pomahala gopaumwene.

Omuhona gwetu ngaashi a tseyika nedhina Strijbis, okwa gandja elombwelo opo omagumbo gehangano ga patwe olusheno, anuwa ohe lu futu iimaliwa oyindji, nonando aakali momagumbo moka ohaa kuthwa R5.00 kuumaliwa wawo mboka R20.00 haa mono koshiwike kehe opo aniwa ya fute omagumbo.

Omagumbo ngoka oga tungwa nale nooboorta ndhoka hadhi teka nuupu, noge li ga kulupa nokuli. Pethimbo ndika twa tegelela omvula, ohatu penduka tatu kama iinguma yetu omeya.

Eindilo lyetu olya li nduno ngeyi: Omagumbo ga thitikwe oombululu, opo twaaha lokwe, tse twaa gwile moombululu.

### EYAMUKULO:

"Nane yene omuna oondunge otamu vulu oku thitika oombululu, ngame itandi vulu okwopalekitha omagumbo."

Eindilo etiyali: Olusheno lwaa pate, oshoka otashi tu dhigupalele tse (iilema naaposi) oku ka konga iikuni momilamba, opo tu telekithe iikulya.

### EYAMUKULO:

"Ngoka u uvite uudhigu na ze miilonga, e ta yi mpo ta yi, ye aniwa KE NA KONASHA. Oku na aniwa aantu omayovi taa pula iilonga. Okwa tsikile natango ta ti: Ye ine tu yalula ngaashi aaniilonga. Omadhina gaamboka e ya yalula ngaaniilonga okwe ga tumbula mokana ke mwene, ye li yane (4). Ihe mboka a tumbula, oyo mboka ya kuutumba owala muumbelewa nokuyalula owala iimaliwa mbyoka ya zi miinima mbyoka ya longwa kumboka inaatu yalulwa.

Tala kepannja tali landula

Yo ishewe mboka ya yalulwa kaa shi nande iilema, nenge aaposi, lyo chngano aniwa olyiilema naaposi (The Accosiation for the Handicaped), ihe mboka ya yalulwa mo oyo mboka ye li aandjolowele.

Omuhona gwetu okwa tsikile natango: Omolwashike aluhe tatu keme omaudhigu getu kuye? Omolwashike aniwa itaatu ka pewa iilonga kuSam, ku Kalangula, kuGaroeb noo-Shipanga?

Mpaka otapa landula omapulo ge mu ukilila: Omolwashike wa zile koHolland opo u ye u ninge aniwa omukwatheli gwiilema moNamibia?

KoHolland kaku na iilema naaposi opo ando u dhike chngano hono?

Omusamane Strijbis okwa taandelitha omapopyo giifundja ngaashi taga landula mpaka:

— Aaniilonga yEhafo ohaa kwata R50.00 koshiwike kehe.

— Ohaa hawalekwa iikulya.

— Oya tungilwa omagumbo omawanawa, niinima ayihe omo yi li.

— Oye na ngoka he ya tonatele momagumbo.

Ihe omapopyo ngoka ogiifundja nogowala lela. Shoka tse hatu ningilwa osho shika:

1. Ohatu futwa R20.00 mwa za R5.00 e tatu kala po owala nooR15.00, opuwo.
2. Iikulya ohatu landa tse yene.
3. Momagumbo otu li mo owala twaa na nkene, niinima hatu longitha mo, oyete yene.
4. Iilonga yetu ohatu longo kutse yene, nokuteleka otse yene, katu na ngoka he tu kwatha ngaashi ta ti.

**Aaniilonga yEhafo**  
**P/Bag 13316, Windhoek**

## Omakundo kOngeleka

Otandi halele egongalo alihe oKrisimesa ya yambekwa nomumvo omupe gu na elago - 1988.

Inamu loloka, natango otandi mu indile nesimaneko opo mu thikithe ombapila ndjika.

Kandali Kulula  
Sweden

### Oshike tashi dopeke aana yetu?

Epulo ndino ngaashingeyi lya ningi oomvula odhindi, nolya fa ne li li momoode. Epulo ndino ando okwa li omuntu, ando ota kwata openzela a kulupa nenge a thanga nale uuzilo, a sa.

Natu ningeni ngiini opo endopo wo li penzelwe? Ondunge mbela yini, yi shi okulongithwa opo kaali uvike we. Lyo lyene epulo ohali ukithwa aluhe maalongi. Nonando oyendji mbo haye li pula, nayo oye na mo shitopolwa. Ndishi nayo aapatudhi? Aakuluntu aaholike, ootate noomeme kepulo ndino, ando onawa tu ningeni ngeyi.

a) Aavali mwaa popye tuu nando aalongi mu ya popile muuwinayi, oyana yeni yu uvite ko.

Oshoka otashi nwetha mo aanona yeni.

b) Pu kale ekwatathano ewanawa lyohole nolyombili pokati kaavali naalongi, oshoka ayehe aapatudhi.

c) Etonatelonongelo li tonatele shili enongelo. Ya tale aanona nkene taa ihumbata moondjila dhawo dhokuya nenge dhokuza koskola.

d) Aalongi ya longe nomukumo, nondjungu, nohole, noneitulomo aanona mboka haa thigi omakunde, noontaku komagumbo, opo ya konge uunongo, kaa kale owala mongulu taa kudhile.

e) Ku keelelwe nokwiindikwe etidho lyaalongi pooskola. Oshoka uunona otuu ningi tuu opo tau igilile elongo lyanima, ye ota pewa manga efudho, opo a ka galuke muNovomba, moka hamu shangwa ekonakono lyahugunina.

Ano onawa ngaa tu taleni oshinima koombinga adhihe opo twaa tuleni owala ondjo maantu yamwe. Nenge otamu ti ngiini aaleshi aaholike?

**Hiskia Hosea**  
**Ondangwa**

### Nayo naa galikanenwe

Otandi indile nehala lya mana mo kOmunamibia kehe a dhimbulula ompumbwe onene yegalikano kAanamibia aakwetu naavalekwa mo mboka ya nyengwa oku shi pondola omolwongundu onti-hetatu.

Oyendji yomaantu mbaka ngashingeyi oya libibilwa onkalo pokati kawo naKalunga noyendji oye ekelwahi nayalwe oye ekelahi ookuume kawo. Yamwe oya ninga unene aamweni nayakwawo ohaa dhilaadhila ethimbo ele unene. Gumwe oti igandja owina komutondi nomukwawo oti ihogololele eithano shaandyoka.

Ngele owa yi paandopi ya tya ngaaka, e to ya popitha ethimbo ele, oto mono lela kutya nayo yene ngashingeyi inayi iyalulila we mongundu yuuntu noya kanitha lela omukumo. Otashi vulika u mu lombwele oshinima shontumba, ihe peha lyoku shi uwa ko, ote shi luku "Omupopyo hagu kengelele", aniwa oye to popile moohapu. Ngele to popi puye "ondjuhwa" ye ote shi tula molupe lwomuntu nosho tuu onkalo yawo ongaashi naana yomunashilonga a gwitha omboloto mokana.

Fanuel K. Shingenge's

## Iikolitha

Iikolitha otayi adhika miilongo niilongo. Noshilongo kehe otashi longitha pamukalo gwasho. Omalovu nande ogo ge na alkoholi ya siluka, onkee tuu nago inaga kala ga patululilwa omuntu kehe ngaashi ngashingeyi taga nuwa nokuunona uushona.

Omukiintu omugundjuka ina ziminwa nande i itule miikolitha. Omulumentu omugundjuka ina ziminwa okunwa unene. Oshoka euliko nepopilo lyoshilongo oli li miikaha yaalumentu aagundjuka.

Aalumentu oonkolwe kaya vulu okupopila oshilongo. Uunona owa indikwa okuzwa iikolitha manga uushona, opo waaha yonuke moondunge dhawo. Omuntu ngele ta nu unene iikolitha, osha yela kutya ota dhana nomulilo. Onkee ngoka itaa nu okwa ninga nawa. Ino pitika u pikwe kii-kolitha, kondja nokukondjelela sigo wa adha ethikilo.

Uunkolwe ohau zi mokunwa iikolitha. Shika natu shi konakoneni nawa. Shaa tu omuntu ta ludhikitha nenge ta pataneke ndohotola a lombwelwa kutya ina nwa, ihe ota nu owala, osha yela kutya omuntu a tya ngawo okwa ninga onkolwemvu. Nomuntu a tya ngawo ota yalulilwa mongundu yaaidhipagi.

Ombimbeli ota yi ti, onkolwe moshilongo shaKalunga kayi na mo ehala. Ngame nosho wo ngoye tu kondje tu dhenge Satana, oshoka uunkolwe ohau zi muSatana. Iikolitha nuunkolwe ohau eta omavu. Omapunga ohaga lika kiikolitha nomuntu ota kwatwa kuuvu wo TB, ndjoka tayi vulu okuyonapo egumbo alihe nokuli.

Ngele omuntu to mono kuume koye a gwila miikolitha, mu kumagidha manga pe na ethimbo ewanawa. Aantu yamwe ohaya ti iikolitha ohayi ya etele enyanyu. Ope na ngaa omunandunge ta nyanyukilwa enyanyu tali zi momutse gu na uuzigo?

**Laimi Ndemulyofina Kandjala**  
**Nyambali S.P.School**



## Meme

Meme we tu dala, makanda tuvahapu  
Mafuma wa hala u kwatelwe luhapu  
Noukadona voye vatatu  
Mingome ve ku twile lutatu


We tu tekula, we tu ning'ovanhu  
We tu lela, we tu longa okutil'ovanhu  
Tu ha dimbwe tu kale tu hol'ovanhu  
Ohole koshiwana, koshilongo, oyo ohole kovvanhu

Twa lifa, twa fikola notwa longa nouduu  
Twa fangwa, twa dengwa notwa nana nouduu  
Oshilongo oshiholike oshi li moudjuu  
Namibia twe li hala otali piti pouduu

Oita ovamati, osho twa hanga haku ti  
Twa tondok'onghuwo yovanhu - Kamati ta ti.  
Twe ila oiti tu uye kunye mokati  
Kunye oomeme neendenge detu,  
Nofid'omufi ta ti  
ku Kapenambudi.

## A ALUKA

Paulus Tobias, Mariental, ota ti, kune mboka mwa galikanene ndje nomwa yakula ndje pethimbo ndi li mombete yuuehame oomwedhi ndhoka ntano, Kalunga ne mu yambeke. Eps. 115:1-3.



## Yi vule R 7 000 ya likolwa moshigwana nomakoto

**OLUNO, Ondonga:** Omukulukadhi meme Viktoria Immanuel Elifas (28) okwa zimina montaneho yaapolosi yoshilongo shaNdonga, kutya omakotokelo ge oge mu likolwa R 7 674 maantu. Naashono pafatululo lye mwene, okwe shi tameke okuza 1986.

Namene, ngoka ha ti oye wo Marta gaMartin Ngalagombe, iha teya egumbo lyomuntu nenge okandingosho, ye iha longitha ondjembo. Elaka lye etalala nokawi kombili nomutima gwe omunenguni, mbyoka oye mu gwanena okupanda omaliko omanene miikaha yoshigwana she pwaa na oontamanana.

Omasiku sho ihaaga endele shimwe, eti 8.1.1988, manga a adhikwa e ya maandja Martin Nantanga, muIndangungu, mOndonga, aniwa okwe ya komupangi omukwawo, meme Nantanga ngoka pethimbo ndyoka inaa adhika mo megumbo, nani aantu ya tsaathana onyala, Namene okwa haluka owala e li momake goveta.

Manga a dhigininwa ngeyi kaapolosi, aantu oyendji oyi ile okuhokolola nkene ya kuthwa iimaliwa yawo nenge omaliko galwe, nomakoto. Pahokololo lyaAmushanga gwoshilongo, omusamane Johannes T. Amakali, membo lye okwa nyolela mo aantu 31, mboka ya kanitha iinima yawo pamukalo ngoka.

Oyendji ya zi mOndonga, nayamwe mUukwanyama nomUuninginino.

Namene ngele te ende moshilongo, oye omunangeshefa omunene, ha landitha iipeleki kombiliha. Oshipeleki shoofute 10, otashi gu R10,00 adhike. Komukalo ngoka, okwa gongele maantu e ke ya landele ye e ya etele iipeleki yawo.

Puefolo Maria Mulunga, Onyaanya, meme Namene okwa holokele po ta landitha onyoka. Efolo Maria okwe mu pe owala oohema e ke mu landele oludhi ndoka a hala, oshoka Namene ohe dhi mono odhindji k mbiliha. "Opo nde mu ihula mpoka 1986," meme Maria ta lombwele aanambelewa, a yemata shili.

Poompito dhimwe paantu oha holoka po ta zi kUushimba, kOvenduka, e na oshihauto sha



**Namene Ngalagombe**

teka shi li mongalasho. Na kwathelwe iimaliwa e ke shi futile mo, ye e yi galule pethimbo lyu uthwa, pamwe nomagano omakwawo a gwedhela po, epandulo, osho iimaliwa e yi likola ngeyi.

POmukwetu meme Namene okwa hokolola kutya, oye Marta Viktoria Nghipundaka, nayina Katrina Shilemba, a kala kOkaku. Okwa kala omuhokanwa kee shi gwopaveta gwaDaniel Shaanika, mEpumbu, mOngandjera, ihe oya kala mOkaiti (Keetmanshoop). Iimaliwa okwa li e yi pumbwa unene omolwokupangeliitha oshihauto she, shoka hashi ende nomusamane, Shaanika.

Pethimbo ndika, ota ti ondjokana yawo naShaanika oya topoka. Inaa mona uunona naye, kakele kuunona we uyali mboka a yile po nawo pondjokana. Sigo opethimbo tatu longekidha oshinyolwa shika, omutumba gwelole lyoshilongo shaNdonga, ogwa li inaagu gongala manga, opo gu pulakene oshipotha shaNamene, naashoka ta vulu okuningilwa.

### Sebulon Ekandjo

### Ye tu tetekelele 1987

- 7.7.87 — Rebekka Nd. Nghitila (57), Omakango, Ohalushu
- 8.7.87 — Herman Kamhulu (115), Odino, Ohaingu.
- 13.9.87 — Samuel Shuyu, Oshakati
- 26.10.87 — Augustus Paulus (56), Ombuma, Ondonga
- 1.11.87 — Marta Shetuya (100), Uukwambi
- 4.11.87 — Selma Shapaka (49), Oshitutuma, Ondonga
- 6.11.87 — Paulina M. Kamonde (120), Ombuma, Ondonga
- 21.11.87 — David H. Shatiwa (57), Olukonda
- 22.11.87 — Fudheni Saima Iileka (57), Olukonda
- 13.12.87 — Justina Matias, Okaku
- 31.12.87 — Frieda Stefanus Iita, (107), Uukwiyuushona.

### Olupandu

Otandi pandula Tate Kalunga kandje sho a li e tu kwatha sho twa li twa mono oshiponga shishihauto 1987 mondjila yopokati kaShakati nOgongo.

Kalunga okwa gamene ndje moshiponga shika pamwe natate naamwameme yaali aamati nookuume ketu twa li nayo moshihauto shoka. Moshiponga omo tuu moka Kalunga okwa kutha po kuume ketu lindongo Johanna ngoka a ningi nakusa.

Paife ondi li ngaa hwepo hewa, Tate Kalunga ota kwatha ngaa. Waa pandula noyaka. Heb.3:7-19.

Marta Megameno Amadhila  
Ogongo

## Otashi ti ngiini?

Elombwelo hali kala mOmukwetu, kutya landela etseyitho lyoye chala moshifo shOmukwetu, otali ti ngiini? Kandi uvite ko.

### Eyamukulo

Ngele wa hala okuhiya eegululo lyongeshefa yoye, nenge to hiya ye ye u ya yakule moompumbwe dhopaumwene, nenge wa kanitha iinima yoye u toolithwe ko nenge kehe tuu shimwe shoye shopaumwene, osho shoka twa dhiladhila. Iipopiwa yokutungathana, noyokukumagidhathana nenge okupulathana omayele, mbyoka itayi futilwa sha.

### Amushanga gwOmukwetu

### Pukulula

Moshifo Omukwetu No.1/88 epandja 12, moshipalanyolo Okaliindeli koosikola, pevi lela omu na epuko, sho kwa tiwa efudho lyowina eti 13 lyaMaalitsa, ihe oli na okukala lyaMai.

### Amushanga gwOmukwetu

## Omido deenguduleli daNaminbia mefimbo loukoloni

- 1884 - Ovandowishi ova nangala oshilongo eshi.
- 1915 - Oshilongo osha wila momake ovakwaita va SA nova kala ovaleli vasho.
- 1920 - Oshilongo osha tulwa meledo lOngudu yoiwana younyuni (League of Nations) nosha tulwa mongudu ya C, pamulandu welelo lehangano olo.
- 1946 - Ehangano la VVO ola dikwa nola twikila nelelo la SWA.
- 1974 - Epangelo laKaputu la teka muAfrika. Ovanamibia vahapu, ovalumenhu novakainhu va tauka mo moshilongo.
- 1975 - Oshoongalele shekotamhango shaTurnhalle sha dikwa mOvenduka.
- 1977 - Epangelo lopokati la dikwa, la fikama meendodo nhatu; oshoongalele sheeministeli, ongudunhotiveta (oilyo 60) nomapangelo opamaduumbo.

### OMUKWETU

Oye oshifo shOngeleki Onkwaevangeli paLuther yomuSWA/NAMIBIA.

Ohashi nyanyangidhwa mOshinyanyangidho shOngeleki mOniipa.

Omukuluntu gwoshifo omumbisofi Kleopas Dumeni.

Amushanga gwoshifo omusita Sebulon Ekandjo.

Ondando yOmukwetu muNamibia naSouth Africa R6,00 komumvo.

Palwe muAfrica R10,00 nokombanda yomafuta R14,00 komumvo. Mondhila R17,00.

Ondando nomambesitelo agehe naga tumwe kOmukwetu, Oniipa, P/Bag 2013, Ondangwa, 9000.

ELOC PRINTING PRESS  
PRIVATE BAG 2013, TEL. (06762) 11, TELEX 56-3257 WK  
SWA/NAMIBIA